



Broj: 01/02-34-10459-2/17  
Zenica, 25.07.2017. godine

ZENIČKO-DOBOJSKI KANTON  
Vlada Kantona  
Stručna služba Vlade  
n/r sekretara


**PREDMET: Amandman I Komisije za mlade Skupštine Kantona na Prijedlog Zakona o osnovnoj školi – dostavlja se**

U prilogu ovog dopisa, dostavljamo Vam Amandman I Komisije za mlade Skupštine Kantona na Prijedlog Zakona o osnovnoj školi, koji je sadržan u Izvještaju sa njihove 32. sjednice održane dana 24.07.2017. godine na kojoj je razmatran Prijedlog navedenog Zakona, a radi izjašnjenja Vlade Kantona o istom, u skladu sa odredbama članova 138. i 139. Poslovnika Skupštine Zeničko-dobojskog kantona -Novi Prečišćeni tekst («Službene novine Zeničko-dobojskog kantona»), broj: 7/12 i 12/13).

Molimo vas da nam izjašnjenje Vlade Kantona po navedenom amandmanu dostavite blagovremeno, **najkasnije 24 sata prije održavanja sjednice Skupštine na kojoj će se razmatrati Prijedlog Zakona na koji je podnesen amandman**, (odnosno prije početka održavanja 45. sjednice Skupštine zakazane za dan 28.07.2017. godine, poslije završetka nastavka 44. sjednice Skupštine koji je zakazana za isti dan u 10,00 sati), kako bi isto mogli blagovremeno iskopirati i podijeliti svim poslanicima Skupštine, prije početka navedene sjednice.

S poštovanjem,

**PRILOG: Kao u dopisu**



**Dostavljeno:**

- 1 x Naslovu,
- 1 x Ministarstvo za obrazovanje, nauku, kulturu i sport,
- 1 x Svim poslanicima Skupštine/05-03
- 1 x Svim članovima Zakonodavno-pravne komisije/04-01
- 1 x 02,
- 1 x U spis predmeta **45. sjednice Skupštine/05-03**



Broj: 01-34-10459-1/17  
Zenica, 24.07.2017. godine

Na osnovu člana 22. i 34. Poslovnika Skupštine Zeničko-dobojskog kantona- Novi Prečišćeni tekst («Službene novine Zeničko-dobojskog kantona», broj. 7/12 i 12/13), Komisija za mlade na 32. sjednici održanoj dana 24.07.2017. godine, razmatrala je sljedeći:

#### DNEVNI RED

1. Prijedlog Zakona o osnovnoj školi
2. Prijedlog Zakona o srednjoj školi
3. Informacija o srednjoškolskom obrazovanju po nastavnim planovima i programima izrađenim po modularnoj metodologiji na području Zeničko-dobojskog kantona-obuhvat i izazovi u implementaciji
4. Izvještaj o realizaciji "Strategije kulturne politike na području Zeničko-dobojskog kantona za period 2014.-2020. godina", za 2016. godinu
5. Izvještaj o realizaciji Strategije razvoja sporta na području Zeničko-dobojskog kantona za period 2013-2015. godina,

o čemu Skupštini Kantona podnosi sljedeći:

#### IZVJEŠTAJ

T/1

Po završenom razmatranju Prijedloga Zakona o osnovnoj školi, Komisija je većinom glasova isti podržala, te sa 4 glasa "za", bez glasova "protiv" i bez "uzdržanih" glasova predložila Skupštini Kantona da isti donese.

Povodom razmatranja navedenog Zakona, Komisija za mlade podnosi sljedeći :

#### AMANDMAN I

U članu 12. stav (3) Prijedloga Zakona o osnovnoj školi, iza riječi "gravitacionog područja" dodaju se riječi: "odnosno 3 (tri) kilometra za sve učenike od 1. do 3. razreda osnovne škole".

Iza stava (3) dodaje se novi stav (4) koji glasi: "Finansiranje prijevoza učenika od 1. do 3. razreda koji stanuju na udaljenosti većoj od 3 (tri) kilometra vršit će se počevši od školske 2018/2019. godine".

Dosadašnji stavovi (4), (5) i (6) postaju stavovi (5), (6) i (7).

#### Obrazloženje

Komisija predlaže navedeni amandman kako bi se što veći broj djece obuhvatio prijevozom, zbog povećanja sigurnosti djece koja pohađaju najniže razrede osnovnih škola. Potrebna budžetska sredstva za finansiranje prijevoza navedenih učenika bi se obezbijedila iz sredstava koja ostaju neiskorištena zbog konstantnog smanjenja broja upisanih učenika u prve razrede osnovnih škola i broja odjeljenja u osnovnim školama, u posljednjih nekoliko školskih godina. Takođe dodatna sredstva bi se mogla obezbijediti iz ušteda na troškovima za električnu energiju i grijanje zbog bolje energetske efikasnosti, imajući u vidu da su mnoge škole obnovljene, kao i da će se uskoro doći do implementacije projekta „Energetska efikasnost u BiH” koji će se finansirati iz kredita Svjetske banke preko Međunarodne asocijacije za razvoj, kojim će biti obuhvaćen i određen broj školskih objekata na području Zeničko-dobojskog kantona.

T/2

Po završenom razmatranju Prijedloga Zakona o srednjoj školi, Komisija je većinom glasova isti podržala, te sa 4 glasa "za", bez glasova "protiv" i bez "uzdržanih" glasova predložila Skupštini Kantona da isti donese.

T/3

Nakon završenog razmatranja Informacije o srednjoškolskom obrazovanju po nastavnim planovima i programima izrađenim po modularnoj metodologiji na području Zeničko-dobojskog kantona-obuhvat i izazovi u implementaciji, Komisija je većinom glasova istu podržala, te sa 4 glasa "za", bez glasova "protiv" i bez "uzdržanih" glasova predložila Skupštini Kantona da istu prihvati.

T/4

Po završenom razmatranju Izvještaja o realizaciji "Strategije kulturne politike na području Zeničko-dobojskog kantona za period 2014.-2020. godina", za 2016. godinu, Komisija je većinom glasova istu podržala, te sa 4 glasa "za", bez glasova "protiv" i bez "uzdržanih" glasova predložila Skupštini Kantona da istu prihvati.

T/5

Po završenom razmatranju Izvještaja o realizaciji Strategije razvoja sporta na području Zeničko-dobojskog kantona za period 2013-2015. godina, Komisija je većinom glasova istu podržala, te sa 3 glasa "za", bez glasova "protiv" i sa **jednim** glasom "uzdržan" predložila Skupštini Kantona da isti prihvati.

**Dostavljeno:**

- Poslasticima Skupštine,
- 1x Vlada Kantona,
- 1x Ministarstvo za obrazovanje, nauku, kulturu i sport,
- 1x Pedagoški zavod Zenica, *n/r direktorice Munevere Selmanović*  
**ul. Zmaja od Bosne bb. Zenica**
- 1x Predmet 32. sjednice Komisije za mlade/04-02

